

Člana 90. Zakona o Javnim nabavkama i Odluke broj:01-2569/22 od 29.12.2022. godine zaključuje se

UGOVOR

o javnoj nabavci putem direktnog sporazuma

Javna ustanova „Centar za odgoj, obrazovanje i rehabilitaciju „Vladimir Nazor“ sa sjedištem u Sarajevu, ulica Azize Šaćirbegović 80, ID 4200163290000 (u daljem tekstu: Naručilac posla), koju zastupa direktorica Maida Idrizović i

O.D. Zeno Plast Al sa sjedištem u Sarajevu, ulica Podrinjska br.2., IDBroj: 4302173490004; (u daljem tekstu: Izvršilac) koga zastupa direktor Zenula Đozović (u daljem tekstu: Izvršilac posla).

Član 1.

PREDMET UGOVORA

Predmet ugovora je Zamjena dotrajale unutrašnje stolarije u skladu sa Odlukom o izmjenama i dopunama Plana nabavki Centra za 2022. godinu.

ODREDBE O CIJENI

Član 2.

Ukupna vrijednost nabavke iz Člana 1. ovog ugovora je 6.700,01 KM (šesthiljadasedamsto i 01/100 KM), odnosno 5.726,50 KM (pethiljadasedamstodvadesetišest i 50/100 KM) bez PDV-a.

VRIJEME TRAJANJA UGOVORA

Član 3.

Ugovor se zaključuje na period od 20 dana a najduže do 20.01. 2023. godine.

OBAVEZE UGOVORNIH STRANA

Član 4.

Izvršilac posla se obavezuje da će za potrebe Naručioca posla, izvršiti sljedeće poslove:

Uklanjanje dotrajale unutrašnje stolarije i ugradnja nove stlarije u Centru »Vladimir Nazor«, najkasnije do 20.01.2022. godine, a prema količini i cijeni iz ponude.

Član 5.

Naručilac posla se obavezuje da će Izvršiocu posla omogućiti pristup radnom prostoru, te izvršiti plaćanje po okončanju posla, sa rokom ne dužim od 60 dana od dana prijema fakture.

ORIGINALNOST, NOVOPROIZVEDENOST I NEKORIŠTENOST OPREME

Član 6.

Izvršilac garantuje će poslovi koji su predmet ovog ugovora biti kvalitetno urađeni i da će sve eventualne primjedbe otkloniti.

UGOVORNA KAZNA ZA NEIZVRŠENJE OBAVEZA

Član7.

U slučaju kašnjenja u izvršenju posla koji je predmet ovog ugovora naručilac će zaračunati i naplatiti izvršiocu na ime ugovorne kazne iznos od 0,5 % vrijednosti posla za svaki započeti dan zakašnjenja. Izvršilac pada u docnju prvog narednog kalendarskog dana nakon isteka roka iz člana 4. ovog ugovora.

ODREDBE O RASKIDU UGOVORA

Član 8.

- Svaka od ugovornih strana može jednostrano raskinuti ugovor i prije roka određenog za njegovo ispunjenje, ako je iz okolnosti posla jasno da jedna od ugovornih strana neće moći ispuniti svoju obavezu i onda kada bilo koja ugovorna strana izjavi da svoju obavezu neće ispuniti.
- Svaka od ugovornih strana može raskinuti ugovor zbog toga što neka od ugovornih strana svoje dospjele obaveze ne ispunji ni u naknadno prihvatljivom roku za sve ugovorne strane.
- Ugovor se ne može raskinuti zbog neispunjenja neznatnog dijela obaveze. Kao neznatno neispunjenje obaveze smatraće se ono koje bitnije ne otežava ostvarivanje svrhe ovog ugovora.
- Izjava o raskidu ugovora daje se pismeno.
- Ugovorna strana koja je osnovano, jednostrano, raskinula ugovor ima pravo na naknadu štete prema opštim pravilima obligacionog prava o naknadi štete.

- Ako ugovaratelji sporazumno raskinu ugovor oni sporazumno i rješavaju sva sporna pitanja nastala raskidom ugovora.
- Ugovorne strane su saglasne da se o pitanjima koja nisu regulisana ovim ugovorom primjenjuju odredbe iz Zakona o obligacionim odnosima.

VIŠA SILA

Član 9.

Ako slučaj više sile potpuno ili djelimično spriječi izvršenje obaveze po ovom ugovoru, ugovorna strana zahvaćena slučajem više sile je obavezna da o nastanku više sile, o vrsti i o eventualnom trajanju više sile pismeno obavijesti drugu ugovornu stranu u roku od 5 (pet) dana od nastanka slučaja više sile. Ako se blagovremeno ne javi nastupanje slučaja više sile, ugovorna strana koja je pogođena tom okolnošću ne može da se poziva na nju, izuzev ako sama ta okolnost ne sprečava slanje takvog obavještenja. Okolnost više sile se dokazuje odgovarajućom dokumentacijom/dokazima izdatom/im od strane nadležnog organa.

Pod višom silom, u smislu prethodnog stava, smatraju se spoljni i vanredni događaji koji nisu postojali u vrijeme potpisivanja ugovora, koji su nastali mimo volje ugovornih strana, čije nastupanje i dejstvo ugovorne strane nisu mogle spriječiti mjerama i sredstvima koja se mogu u konkretnoj situaciji opravdano tražiti i očekivati od strane koja je pogođena višom silom.

Kao slučajevi više sile smatraju se sljedeći događaji: rat i ratna dejstva, pobuna, mobilizacija, štrajk u preduzećima ugovornih strana, epidemija, požar, eksplozije, saobraćajne i prirodne katastrofe, akti organa vlasti od uticaja na izvršenje obaveza i svi drugi događaji koje nadležni organ priznaje i proglasi kao slučajeve više sile.

Za vrijeme trajanja više sile obaveze Naručioca i Izvršioca po ovom Ugovoru miruju, ne primjenjuju se odredbe o ugovornoj kazni definisane članom 7. ovog Ugovora, s tim da se rok za izvršenje obaveza ugovornih strana produžava za period koji odgovara trajanju slučaja više sile i razumni rok za otklanjanje posljedica više sile.

Ukoliko slučaj više sile bude trajao duže od 30 (trideset) dana, Naručilac i Izvršilac će se sporazumijeti o daljoj sudbini Ugovora. Ukoliko se isti ne sporazumiju o sudbini ugovora, ugovorna strana kod koje nije nastupila viša sila ima pravo na raskid ugovora pošto o tome pismeno obavijesti drugu ugovornu stranu.

RJEŠAVANJE SPOROVA

Član 10.

Sve eventualne sporove, ugovorne strane će rješavati sporazumno, u duhu dobrih poslovnih odnosa i uzajamnog povjerenja. Ukoliko se sporazumno rješenje ne postigne, nadležan je sud u Sarajevu.

Član 11.

Ugovorne strane su saglasne da se na sva pitanja koja nisu regulisana ovim ugovorom primjenjuju odredbe Zakona o obligacionim odnosima.

OSTALE ODREDBE

Član 12.

Sve izmjene ovog ugovora mogu se vršiti isključivo i samo uz pismenu saglasnost ugovornih strana.


Član 13.

Ovaj ugovor stupa na snagu danom potpisivanja od strane ovlaštenih lica ugovornih strana.

Član 14.

Ovaj ugovor je sačinjen u 4 (četiri) istovjetna primjeraka od kojih Naručilac zadržava 2 (dva), a Izvršilac dva (2) primjerak ugovora.

UGOVORNE STRANE



JU

Maia

26

Broj: 1112
Sarajevo, 2022. godine

Broj: 01-2569-1/22
Sarajevo, 29.12.2022. godine